

齊縣志

卷三 識餘 附錄
辨訛 後序

唐縣志卷十二

識餘

識餘者何志之餘也餘曷志焉耳正志外無餘正志中有餘志之以盡其餘也唐之流寓技藝中官以及方外仙侶異聞軼事雖無關於治譜亦有裨於勸懲視諸正志猶木之餘爲癭穀之餘爲稗也類敘之爲識餘

田一井字尙助安州人杭直磊落丰標俊整萬厯時進士爲計部主事會尙書某務節羨名虧守邊軍精一井疏論之坐是左遷河東運判無何假沐歸里以荐復入計曹直聲益震司潞河庾出納獨平有贏餘用以 流民修倉廩

唐縣志卷十二

識餘

一

一粒不私出爲山東按察副使監登萊軍適滕鄒妖人倡亂一井謂脅從可憫議主撫撫欲以勦立功不用扼腕累日視師海上至皇城島見難民數千悉以舟渡至登全活甚衆後以屯田忤上官拂衣歸隱居葛山蕭條灑落荐辟不出今苑家會田氏卽其裔也

康熙府志參
探訪流寓

劉于台放水村人少聰款業儒明萬厯中補弟子員志氣恢宕而工於畫凡山水花草人物備極其巧人多寶之時鉅公有云易菴文肖巖字于台畫可稱唐山三絕

康熙志

邸燮字亮工霽水村文童也家貧業青烏術四旬而鰥儻居一屋泥爐自炊而歌聲出金石人有以堪輿請者欣然

爲之定兜金未嘗居奇而受酬報焉採訪上技藝以

王德化孤山下北高昌人明懷宗時掌司禮監領東廠提督九門帝璽書孔明淡泊足以明志甯靜足以致遠二語賜之其恩遇賞賚甚厚至甲申之變闖寇薄都城特拜化天下都招討京師大元帥甫三日城樓之白燈已懸南遷之車駕終阻而德勝門開矣天與人與抑大寶將有所歸

與康熙志中官

葛洪字稚川丹陽句容人好僊晉咸甯初王道苻爲散騎常侍師事鮑鉉鮑愛重以女妻之洪以交阯出丹砂求爲勾漏令乃於羅浮山煉丹後又隱於楊家峪中巖構屋修

唐縣志卷十一 識餘

一一

道煉丹遂名其山曰葛洪山今建上清堂清虛宮崇元觀見存號抱樸子八十一尸解康熙志

黃野人葛洪弟子隨洪至羅浮結廬於冲虛觀側時有啞虎守之洪旣仙去留丹於柱石間野人自外至得一粒服之爲地行仙常有詩云雲米萬嶺動雲去天一色長嘯兩三聲空山秋月白相傳在上清虛導引貽息有年忽遊而不返後見之白雲峯下蟬脫端坐宛然今其象與詩在焉

雍正志略參採訪

張陵不知何時人有仙術趙昇從學一日與諸弟子遊大茂山雲臺絕巖有大桃樹下臨不測陵曰得此者向汝道

昇遂投下著樹取桃滿懷不得上陵以手援之乃還

康熙志

栢巖禪師號明哲唐時人與賈島相善世居曲陽嫌薄村父米慶母顏氏慶有五子禪師其四子也自幼聰穎過人樂修淨土業遂請命於父父許之卽就栢巖祝髮爲行最苦能參四大五蘊之奧且博極羣書竟爲沙門傑出其題栢巖寺詩曰野寺絕依念空山會徧行老來披衲重病起讀經生乞食嫌村遠尋溪愛路平多年栢巖住不記栢巖

名

康熙志

羅道成宋慶厯中遊嶽題詩云白驪代步若奔雲閑人所至留詩跡欲知名姓問源流請看柳陽山下石後聞鄉人

唐縣志卷十一

識餘

三

言有真人得道乘白驪行石壁上其迹至今存焉後與喬同來隱於山中今人呼其山曰羅喬山居址見存

康熙志

喬同學道年八十尙壯東坡詩云結茅松山啖松腴炯然蓮花出泥塗邇來八十胸垂鬚上山如飛噴人扶後與羅道成來隱山中因名曰羅喬山

康熙志

椒山翁隱居葛山每在古栢下扣石而歌皆陰長生丹經言也修煉於天風臺白日飛昇

雍正志略

老仙姑宋時人不知姓氏隱於山中嘗語人曰貧道住此二百年矣言訖投崖飛去後因名其崖曰拾身崖名其村

曰老姑里

康熙志

牛師傅不知名號里籍自居洞中每夜有虎臥洞口人問以仙真之道每答曰有動之動出於不動有爲之爲出於無爲不過煉精成氣煉氣成神煉神合道而已知藥而不知神室則不可結胎知神室而不知火候則不可成丹與王婆婆同時尸解

雍正志略

王婆婆不知何許人在窪裡焚修數十年漸識字通文窪裡無水距牛師傅洞三里許汲水一日牛問之答曰別無水可汲牛曰坐處有水何用遠求王以牛爲嘲戲將汲簞擲碎哭罵而歸坐在菴中拍地而哭手拍處忽湧大泉頃刻成溪泉中生蓮一朵婆婆端坐而逝香氣數十日不滅

雍正志

唐縣志卷十一

識餘

四

志略

瑞巖禪師名文琳明永樂十七年遼東左都督劉江從外國攜來祝髮爲僧無出其右者師授多心經讀之五蘊皆空豁然大悟結茆於葛山之桃園日誦法華戒律甚嚴臨終書偈而逝立塔於寶壤岡有塔銘

雍正志略

天白禪師姓种名誠穎山南莊人偶見瑞巖於桃園剪髮爲僧倏然頓悟上座說法成一大開堂地臨終說偈坐化

菴北有化塔

雍正志略

雲定禪師順義籍號曰白衣上人雲遊海內遇百川海師和尚得浮圖法嘉靖時入葛山三妙峯結廬而處號不二

庵忽謂弟子曰吾逝矣長吟云死生涅槃豈異端眉橫鼻
直是單傳水流花謝根難動明月光輝滿世間吾今逝去
了纖塵鑿盡金純性自真迴出世間無挂碍乾坤內外現
全身吟罷坐化

採訪

滴水堂二老道係師與徒未傳姓名里籍日坐小石穴內
辟穀絕粒深得胎息之旨順治時人問其姓名不答又問
其年答曰到此山時聞說伽璘和尚給皇帝擯揲兒法再
問卽閉目不作聲如熟睡狀按元順帝至正十三年有西
番僧伽璘教元主運氣法擯揲兒者言大喜樂也至順治
十年約四百歲矣後不知所終

雍正志略

唐縣志卷十一

識餘

五

瘋和尚不知何處人康熙二十年自外方來單衣跣足行
不履正路日常不食人與之食多少俱盡不言飽亦不餘
剩隆冬冰水洗面水漸熱如拂湯人或與語信口答一半
句卽閉目默然人與錢至野埋之不肖者往取則無在葛
山溷跡十餘年忽不見後八九年又來其所衣如故并不
殘損入葛山深林樵者見其枕虎而臥後不知所終

雍正志略

豸虎道人姓侯名常和字振山正定人居九峻觀精天罡
禹步訣每日暮炊以飯置木槽中擊鐵喚虎吃畢卽叱之
去同鄉人浴唐河裂腹出腸肚洗之衆驚懼欲走復將腸
肚入腹按摩如故順治十年邑令張修東岳廟敦請下山

住持後入京師至坐化之次日邑令洪琳見侯來謁相見甚歡囑琳云貧道去朝神和山小徒萬祈照拂飯茶而別廟中卽投訃亦尸解也

雍正志略

王士衢字文卿清苑宦家子入葛山學道康熙五十八年入大內禮遇甚隆封清封真人在後暖谷建斗母閣聯云眉橫無念乾坤外鼻豎有形姤復中其息處曰留雲榻雍

正十年化

採訪

雞冠山道人不傳名號有仙術造石碾於山下村人王姓者至道人言某日夜借牛拉碾至山時過不用王詰之曰夜來已碾置洞旁矣王急回視牛伏地汗未息道人化去

唐縣志卷十一

識餘

六

十餘載有見者欲追之倏忽不見今石碾尙存

採訪

眼靈東關壽聖寺僧也多異術寺前麥未熟卽刈之人怪其速答曰若遇雹災誰賠我乎次日大雨雹乾隆間重修寺宇不待勸捐而工自成歷修棗園劉家莊楊莊嶺東嶽廟四處橋梁亦類是後不知所終

採訪

周姑號醇風子未詳何時人了道於三仙洞朝廷宣詔封爲醇風圓妙慈德真人以告來者癸丑八月初二日亥時昇仙去口占示門衆曰醇風七十一老周通天徹地恣追遊而今了卻人間事萬劫仙班出土邱又曰平生只落自在出入往還無礙今日颺下皮囊蕩蕩起於三界又曰永

出陰陽穀逍遙離世塵一性朝元去獨步赴蓬瀛採訪以上仙

釋

趙襄子使新穉穆子攻狄取左人中人子列

中山鴻山關者昔項羽於此見羣鴻乃誓衆曰我當南面

而中其一引弓滿射之莫有中者弓投地而去時知終不

能濟九州要記

康熙乙酉四月蝻起西北麥地延北羅大洋等村知縣林

菁虔禱八蜡諸神越三日有鳥千百從北來搜食蝻類皆

盡烏白頸烏衣狀如雅土人目爲山老瓜雍正志略

花塔村西有雙龍菴者菴以北山根盤曲石骨嵯峨咸豐

唐縣志卷十一 識餘 七

時村人鑿山開渠以灌田掘出石龍形神宛肖已傷其首

鑿者暴亡至今身形尚在採訪

唐縣西山中有大石如箕狀名曰磨巖上有長松一株大

數圍攢峯峭壁人跡罕到堯時許由子州支父嘗居於此

康熙志引萬曆志以上軼事

唐今中山之唐縣也按輿地廣記堯爲唐侯於此漢屬中

山國今中山之新樂皆故漢之唐也有堯山唐水南有望

都城望都里東北有中山故城一曰廣唐城張曜中山記

之中人城也望都城東有堯故城俗呼爲堯姑城世紀以

爲慶都山在望都南張晏皇父謚皆謂以升堯山南望都

山因曰望都相去爲五十里今在唐縣東北五十四里俗呼孤山一曰豆山而十三州志唐故城在盧奴北七十五盧奴今之唐也酈元云城去望都城八十去中山城七十推驗宜爲唐城北去堯山五里與七十五里之說合然城南無山以擬都山於是欲以唐城爲望都城而北又無城以應唐城乃以唐城東南十五高昌城爲望都城蓋不知道里之誤也雖然唐之爲名在在有之而平陽安邑亦皆曰唐平陽卽晉之臨汾正乃詩之唐國有姑射山按九域志唐水之上地正名翼一曰絳而總曰平陽成王滅之以封叔虞後更曰唐安邑今隸解故絳之翼城城西二十有

唐城又并之平晉北二里有故唐城寰宇記爲唐堯所築夫平陽乃丹朱之封也徐才國都城記及元和郡縣志皆云翼城唐國帝堯裔子所封而晉陽縣北二里亦有故唐城云堯所築卽燮父之所徙而河北縣南百二十八又有故堯城九域志威勝軍之臨漳城風土記亦云堯築而邢之堯山縣漢之柏人西十二有南蠻古城今相有古相人城九域記引世紀爲堯都縣東北二十二有柏鄉城故與趙都柏鄉縣東西中分城冢記言堯所置有堯廟謂堯登此覽洪水訪賢人者又河東之南二十八亦有堯山上有堯城水經以爲唐堯所理而雷首亦謂之堯山有堯祠唐

之堯山亦有堯祠張肫齊地記以爲巡狩所登而河清西
南八十五瑕邱東南七里洙西與滑之靈祠皆有堯祠上
黨長子亦有堯水堯祠集古錄記堯祠碑二皆在濟陰九
域志濟陰乃今有堯溝而九州志曹爲堯廟堯之所開而
名若寰宇所記堯迹尤多堯舜之祠天下不勝多矣張肫
皆以爲巡狩之所記有所不得盡有如東海縣西北謝祿
山上堯廟乃太始七年刺史劉崇之所立自以爲堯後爲
之此類尤多今荆湖南北江西兩浙桂陽永明二水以來
祠場不可勝紀廣記皆不能錄

路史
餘論

唐縣東甕城門南向光緒五年四月邑紳改置東向志刻

唐縣志卷十一

識餘

又又七

成不及敘入附識於此

附錄

凡詩文雜著無類可附與不必附類而有關事迹者條列於此

明戚賢遺愛敘別詩云驛路捧天書駢駢戒僕夫秦關初入夢唐民因念吾越境迎安肅攀轅依慶都慶都良士民兼與謁城隅停驂次公署聚首敘區區士論舊時業民憂新歲逋惜也空爾望無能休爾痛我躬嘗爾望我過能爾蘇願言慰父老歸去漫躊躇桑榆享清福課兒蚤辦租願言慰子弟耕讀是嘉謀人生貴努力堯天宜自圖不信問堤柳春風好舞雩夏深我應回新懷綠樹鋪

明劉汝樂登秦王寺詩云禪關高絕步來難雲物悠悠眼界寬出沒峯巒千點碧縈回川水一絲寒人家煙火微茫

唐縣志卷十一

附錄

八

裏梵寺鐘鈴嵐翠間鬢插梨花詩酒樂滿林霜葉正塗丹

按寺在縣西北秦王嶺村

明孫希夔晚上軍城憩屯村寺詩云秋抄金方肅霜凝夜始寒驅車緣負弩投宿且加餐纖月懸鈎曲疎林落葉乾空勞逐塵網何似一枝安灌城贈僧人眞寶詩云車前逢老衲八十五年人拄杖眞如鶴披緇不染塵了心窺佛理說偈度迷津似得長生訣看餘百歲身

廖泉公署課士是日微雨志喜詩云儒服慇懃志氣孚蒼生霖雨慶康衢似絲引動堦前潤一滴珍爲地上珠硯石有田占歲稔筆花生彩倩雲扶願從隴畔蒸髦士同人桑

林步禱圖

王正喜雨詩序云政蒞邑歲苦旱率紳士步禱大雨如注
慰滿三農之望歲亦有秋自是天心仁愛篤厚羣生豈關
祈禱力哉然觀優渥之况不禁油然而樂也賦以誌喜云紫
甸濡霑滅霰遐芄芄喜溢笠簑家月離畢宿知天瑞節舞
商羊羨物華種茂欣瞻長畝稼葦萋還看上林花非云步
禱邀帝眷繫望碩庭頌滿車博陵協氣蔚曇霞昀隰滂沱
未有涯石燕翱翔蕃稷黍災黎鼓舞樂桑麻霽優屏翳陰
膏遠霽沛懸冥梯野斜滌滌山川此日變蘊隆爲崇莫煩
嗟賑饑詩序政到任三五月適值天災流行民大饑爰捐

唐縣志卷十一

附錄

九

貲煮粥以食饑者小民賴以全活因賦其事云此地折腰
初發劓蕭條慘目遍埏垆捉襟鵠面悲荒野蒙袂鳩形悼
浦萍醫眼剜心恥罄壘繪圖凝淚洒丹青施餐非係嗟來
意萬姓聊爲慶清甯課士詩序邑自辛卯以後科目寥寥
無人政蒞任來聚多士而課之而陳子潤生榮薦王子賢
書多士點額龍門前進俱未可量雖不敢謂作養之效然
而課業於萃升之館其實事也爰咏而歌之云一行作吏
幾公餘摘藻廣徵才子書灑灑詞源傾峽水蕙蘭蘊藉濬
荷渠筆生華采軼供俸賦就凌雲逾相如此日泥金幸有
報拔茅自是慶連茹咏遞馬詩序先是遞馬草料預支工

料額銀於里民買而交納雖無賠墊未免奔走輸送之勞
政晰其弊一概自買草料官養官喂並不累民因而咏之
云皇華肇建日原隰勗馮本以勤王事豈期苦庶蒸如
濡官作棧言秣民無徵牡駕馳周道何難資飽騰咏宴會
需用器皿詩序邑有迎送賓興鄉飲春宴諸大典所需器
家伙向有舊例里民供應政恐勞民捐俸買家伙千餘件
貯之工房隨時取用永不累民遂咏其事云宴會稱隆典
肅將肴簋陳杯盤衍价僕七箸禮嘉賓絲粒皆辛苦幡瓠
勝錯珍供張官自具庶不累都人咏預備倉詩序邑有舊
倉一座東房將圯修而葺之政捐俸糴穀而紳衿庶民具

唐縣志卷十一

附錄

十

尚義樂輸遂貯之以備歉歲之賑云義倉古有建昉自長
孫平地世鮮儲實積愆祇贖名倡輸由我舉樂助賴儔繁
舊庾粟恆裕預爲備歲悍

以上見
康熙志

王恪白石口記行云雍正十年八月二十一日將至白石
口相驗去縣治一百餘里有捷徑山路斗絕步騎難行因
從大道出南關西折三十里至西雹水樹始見黃葉十里
至西大洋飯三里渡唐河以後俱入山路矣十里再渡唐
河至東莊灣三里至十八渡紆道二里至橫河口宿二十
二日返舊道二里至十八渡從前皆西向行至此始折而
北矣三里至南鎮里半里至北鎮里地可宿昨以有事諭

巡司因宿橫河口也四里至樹鈎村一里至南家村十里至宋家莊五里至鄧家店三里至乾河鋪自南鎮里至此皆曲陽地十四里至軍城山至此愈高峻三里至下葦子十五里至上葦子飯十五里至朱家樓多山溪截道水石相間而行有幽絕處近畫圖五里至南嶺子高踰里許盤折而上下五里至夾千裡宿二十三日五里至北嶺子紆折上下約五里石尤奇峻樹亦古七里至教場三里至倒馬關胡都司來迎至署茶話而別出關氣象尤雄傑石多落崎嶇卽大茂山也兩崖劈崎唐河中流雷轟雪濺兼山水之勝足兩崖行不半里見古碑上刻太極鴻苞古將

軍柳篆旁刻古筠李九華書又二里半至上關頂因崖旁路絕鑿嶺而上凡三關行十里許隨河東折里許至夾馬石有關帝廟雍正七年建行里許渡河時將造橋以渡行人用柳圍石卵以爲橋柱置板於上尙未成東南折二里許西北折至新城兒三里至走馬驛地屬廣昌乃直晉交界處出關之山至此而止在東者脉與地平在西者雖有山相接而尾脉中斷此直晉之所由分疆者也自此而北山勢稍分十里至茶棚又入兩崖中夾溪多樹五里至角城兒十里至祭刀嶺三里至五間屋宿二十四日行十里至插箭嶺勢甚雄傑上下三關聞宋楊令公家居於此過

關苔石羅列如錦繡堆此後山勢又分路漸坦五里至西莊鋪東折八里至采石崗南折八里至白石口從北關入山甚突兀氣象雄偉里許稍折而西卽都司署不入至屍場審問畢至公館拜都司登山謁碧霞元君祠更出南關周覽形勝此口係一山曲南北長三里東折而北長里許居民百五六十戶皆兵也北關外有一巨圓石中穴如蜂窠係人力所成問其名爲石砲亦軍器也夜宿公館二十五日歸從故道如溫舊夢所見又多異至五間屋宿二十六日遇兩景象尤變仍宿夾子裡二十七日薄暮至署往返共七日計程四百七十五里得詩三首倒馬關詩附本條後

唐縣志卷十一

附錄

十一

插箭嶺詩云羣峯屏障圍居中嶺肩鞞南向尤雄峻列栢森如筈上下關五重敵樓冠磊砢俗傳楊六郎遺跡留射堞斷鏃貫石中千載相函銷口趾列碑亭里巷崇香火嶺名由此傳亦足雄么麼出關勢漸夷苔石羅道左爛班似錦墩惜少游客坐白石口詩云衆嶺蜿蜒夾亘折三里餘南北築城牆屯列兵民居建牙清輝中山水相縈紆石色間冰雪泉聲雜笙竽雙松聳半空碧霞靈帷虛電霜耀戈甲風雲護儲胥形勝實咽喉控制煩廟謨此行恤民命兼復審輿圖藉之成壯遊敢惜我馬瘠按白石口地屬廣昌
崔士俊居唐河雜詠二絕句抱膝荒村莫與隣喜看秋水

到河濱衣衫自帶閒雲去不着人間道上塵藥裏餘生乞
得間煙來霞去懶開關任教惡竹當窗下濃淡隨他不欲

刪以上雍
正志略

陳詠庚午三月十九日因公下鄉詩云馬家宅村名外駐行

輿新柳成行葉乍舒中有桃李三五樹荆關好手畫難如

水繞山環石徑斜三仙洞口少人家桃花柳葉爭紅翠惹

得詩人手欲義辛未暮春山行口占詩云逾葛公莊盡水

田以北入完縣界唐河環繞地皆種麥並無旱田神南神北完縣村名麥光鮮苑家會

與兩花塔村名村落家家住岸邊緊靠唐河羣山峭壁夾流波

路轉峯回曲折多四十里中輿馬滯唐河一道九番過除唐

唐縣志卷十一 附錄 十二

湄過河不計外此數十
里過渡九次 採訪

明孫希夔唐巖八景詩云天將圖畫牡堯封秀削雙峯特

地雄可是飛黃騰冀野剡箛高出碧雲中馬耳雙峯源泉一脉

出山腰石磴縈迴野澗迢寺古雲封人境寂曉看明月吐

嶠嶢靈源誰開石臼噴珠泉瀉出寒流落萬川恍惚艤舟

沙渚上不知何處覓長年石臼停舟磨崖石竇自天開溜滴光

搖翠色堆滿目煙雲看不足宛然風景似蓬萊磨巖滴翠遙望

狼山翠且重差我臺殿少人踪平蕪日夕牛羊下返照斜

穿萬壑松狼山晚照樹色嵐煙靄化城傳聞風穴有風生唐河

一帶湍流湧疑是鐘聲度壑鳴風山鐘鳴只云勾漏覓丹砂誰

識清虛境界賒曾躡白雲深銷處始知人世有仙家清虛聳翠

北嶽嶙峋聳太空千巖萬壑杳無窮滹沱水滿兼天白雪

色波光相映同恆山積雪

嚴欽謨次孫子叅韻詩云峻嶒不受霧埃封批竹鋒稜欲

讓雄卻恐世人輕駿骨祗留雙耳插雲中馬耳雙峯一泓靈井

注峯腰萬柏蔭深覆徑迢侵曉月來鐘唄後團圞猶戀碧

嶠靈源石臼春濤漲澗泉野航錯落點平川逡巡似待

桃花汛共泊津頭不憶年石臼停舟石罅滴滴濺珠開掩映苔

衣翠一堆樹杪池光天外影漫勞解上問蓬萊磨巖滴翠磴級

層扶絳閣重碧雲歸處鶴遺踪遊人醉倚夕陽下一道樵

唐縣志卷十一 附錄 十四

風鳥踏松狼山晚照松為寺嶂水為城石崛風聲靜裏生何事

山僧春夢亂一時呼醒駭鐘鳴風山鐘鳴千峯翠色護烹砂世

士遙瞻萬仞賒雞犬猶聞丹井在何人管領葛洪家清虛聳翠

飛來峯嶺劃天空雪色東臨望不窮豈乏支山競玉筍問

誰凝結九春同恆山積雪

王政詩云霞靄灑光燦錦城風高廣莫颺巖生正聞天籟

發深省髣髴鐘聲特地鳴風山鐘名翠屏掩映碧爐砂葛子仙

踪一望賒沆瀣不隨流水去清暉猶照萬人家清虛聳翠八首選二

陳效元詩云老僧歸去尚名泉沙磧如舟日泊川想是渡

迷留寶筏於今從此悟延年石臼停舟峻層石洞帶雲開星聚

懸泉碧欲堆萬斛珠璣收不盡人間無復說蓬萊磨巖滴翠平

原西望樹重重傳說屯兵識舊踪鴉噪孤村樵牧去夕陽

如練掛寒松狼山晚照八首選三

陳瑋詩云雙耳凌空雲裏封明皇圖書莫爭雄燕南自古

生神駿不在驪黃牝牡中雙馬耳峯塔峙山頭泉湧腰青蒼古

柏逕迢迢瀉靈最是井邊水帶月流來印碧嶢靈源月誰將

鉢水溜清泉貝葉為軌障百川遙憶當時蘆渡去虛舟泊

岸不知年石臼停舟記得當年春凍開攬衣踏破白雲堆崖懸

玉筍瓊珠碎誰謂人間半草萊磨巖滴翠狼山石磴翠重重幾

度登臨訪舊踪日暮前村生爨火風光霞色繞青松狼山晚照

唐縣志卷十一 附錄 十五

曾上風山看古城龍湫石穴靜無生昔人不解濤聲響浪

說嘈啞鞞鞞鳴風山鐘鳴千尋畫壁裏丹砂翠嶂欲流一望賒

直到不暇應接處騷人爭說欲為家清虛聳翠截業恆山萬有

空白雲積素杳無窮試披崔嵬登峯立一曲陽春未許同

恆山積雪

左檠詩云雙耳峻嶒靈氣封若逢支遁亦稱雄何當跨向

三山外回首一鞭霄漢中雙馬耳峯何年法水湧山腰暗銷禪

關竹徑迢五夜靈光冲碧落時同明月印嶢嶢靈源月溪花

低亞隱鳴泉佛磬聲聲落遠川始信慈航有處所停撓彼

岸學長年石臼停舟

繆徵詩云澗繞山村寺繞泉雲林漠漠靄芳川曇摩指點

西來意一葦茲航無盡年石曰亭舟誰把針穿石隙開名珠滴

滴翠成堆洞天深處稱壺隱不羨人間闢草萊磨巖滴翠丹梯

天外幾重重古寨依稀認舊踪牧豎笛聲歸唱晚霞光萬

道射高松狼山晚照招提勝概擁山城遙望依依景色生應是

山僧塵未斷耳根猶自作鐘鳴風山鐘鳴見康熙志以

明馬中錫倒馬關詩云山上重關結構同戍樓相對隔西

東將軍戰馬斜陽外老子青牛紫氣中恆嶽烟嵐春可望

朔方烽火夜曾通茲行却喜逢三月花逐吟鞭日日紅又

軍城鎮詩云落日悲笳隱塞城羽書檄報喜時清斷碑經

唐縣志卷十一 附錄 十六

火留殘字折戟沈沙辨舊營天子治安猶講武書生迂濶

豈知兵停車正遇邊墟散爭說邊頭米價平按此二詩宜附卷一關隘

各條後補遺於此

王恪遊滴翠泉記云邑西十五里為磨巖山即唐邑八景

之一名磨巖滴翠者也志稱山形如磨巖中有水名滴翠

泉泉之前有玉皇閣許由子州支父舊隱之地此山綿亘

二十餘里實專以泉名也至山趾有大澗縱橫輿騎屢阻

盤旋而上約二里至山之腰有寺隱現新舊三碑最舊者

殘缺無年月首云磨巖山水泉洞玉華觀乃知志所稱玉

皇者誤也一為康熙四十八年重修立一為雍正己酉八

月重修立而文字多漫滅不可考觀之西有如城闕者廣半丈深培之北有泉從上而下結成冰如水精屏風中更成一月洞可容人入下有深井轉東更有一冰洞可出石上覆泉從上流滴成冰因形似而名巖此卽滴翠泉也還從闕出西更有一池三面皆石高丈餘上覆大石二丈餘脊微穹儼如一室而東西左右皆壘石爲牆中流蕩漾成池不知所稱水雲洞者卽此耶玉華觀係構石成左右皆有石穴可入四而淺級易履而上則觀之頂也一望全山皆見此寺在山之胸左右環抱形勢最佳上二里餘爲絕頂叢石矗矗又西五里餘一峯尤高上有姥母廟聞之住

唐縣志卷十一

附錄

又十六

持道人鄭來甯云此巖夏景尤勝然予觀茲山純骨無肉故林木稀少而石多怪偉惟以骨勝故有髓全山竅穴甚衆想當驟雨時衆流奔注澗中瀑布奚減匡廬恐不僅以滴翠一泉擅名也予遊適值雪後與志所稱夏月如萬斛珠璣冬月如玉柱冰壺者適相印証云

按此文宜附卷一山川滴翠泉條後

補遺
於此

辨訛

同異者已附各條後其誤之甚者辨諸此以免後之滋疑誤入

康熙志沿革載漢苦陘按苦陘後漢章帝改爲漢昌魏改曰魏昌唐天寶元載改爲陘邑宋初併入無極寰宇記云魏昌故城在無極縣東北三十八里據此則苦陘非唐縣地今刪去

山川載長星溝按水經注瀉水又東右會長星溝溝在上曲陽縣西北據此則長星溝不在唐境今刪去

古蹟載軍城宋楊彥昭至此築城屯軍故名按九域志宋雍熙元年置軍城砦而延昭以慶曆二年知保州在置砦後五十八年此云以屯軍得名殊屬荒謬延昭作彥昭亦

唐縣志卷十一

辨訛

十七

誤府志又沿其訛今刪去

府志古蹟載解瀆亭在唐縣按通典注漢解瀆亭在定州義豐東北又按義豐隋置縣宋改爲蒲陰景德九年移祁州治蒲陰據此解瀆亭在今祁州界畿輔舊志亦沿其訛今不載

靈井寰宇記言在中山城西北隅舊志云在縣城西北隅殊屬意造今更正

古蹟載故城引地志云永平之南有故城曰堯城城周二里高二丈餘按永平南之堯城卽今完縣堯城村竟以當唐縣故城大謬又故城後人訛爲固城府志竟分故城固

城爲二城更謬今詳爲考正

又符城本古之伏亭後人誤伏爲符耳乃云符城符堅所築後人訛爲伏城是以不訛爲訛也今更正

又賈復城引寰宇記在縣北五十里按寰宇記無此文記止言九里耳舊志謂卽鴻城亦非今更正

建置載縣治鮮虞故治也按鮮虞故治在今新樂界內此蓋因寰宇記故邑字誤改爲治字也今刪去

秩祀載仁壽寺永定年建按永定係陳武帝年號然此地非陳有應是大定俟訪

學校志載文廟元至和間縣尹馬譽重修下云泰定二年

知縣張景文重修按元史泰定帝建元泰定五年改爲致和元年是年八月文宗立據此泰定在前致和在後致和改元只一年亦不得言間致字作至字亦誤又據修學廟碑馬譽知縣事在泰定以前職官傳中作政和年任誤致字又作政字尤誤今更正

職官傳載劉并金時任馬譽元時任乃列馬譽傳於劉并之前殊屬錯亂今更正

紀事載隋聖歷元年復徙唐縣故治按舊唐書聖歷元年徙縣治隋字誤今更正

府志載博陵郡妖人宋子賢事按隋書煬帝大業三年改

定州爲博陵郡九年十月復改爲高陽郡宋子賢事在冬十二月應書高陽郡今正之

又唐天寶十五載李光弼戰史思明於嘉山大破之北入博陵按嘉山在曲陽東十里博陵卽定州唐改定州爲博陵郡此事與唐縣無涉今刪去

又郭守文破契丹於唐河按畢氏續通鑑唐河之敗遼史不書當時但誇克敵諱敗也今從太平治迹通類書之此役乃李繼隆之功而宋會要以爲郭守文與李繼隆背城而戰宋史本紀亦作郭守文敗契丹於唐河今書李繼隆從李燾長編及契丹國志

唐縣志卷十一

辨訛

十九

人物志武略載張赦提按魏書赦提安喜人此時未廢唐入安喜不得以安喜之人牽連書之今刪去

人物志載馮偉蓋以馮偉雖安喜人而此時已併唐於安喜宜牽連書之然石曜亦安喜人爲北齊名宦志中未載今補入

雜志卷載晉時邑人常保狼山堡以避契丹有尼深意居其中以佛法誘民民多歸之後尼死堡人言其屍不朽因奉而事之按五代史定州西北有狼山堡定人常保以避契丹有尼深意居其中以佛法誘民民多歸之後尼死堡人言其屍不朽因奉而事之又舊五代史定州西北二百

里有狼山山上有堡邊人賴之以避剽掠之患據此乃易

州之狼山非唐縣之狼山也今刪去

唐縣狼山史稱小狼山寨

藝文載唐太宗宴中山詩及許敬宗奉和宴中山應制詩

按此俱定州事非唐縣之中山城也今刪去

里社載唐湄社按湄字應作梅今更正

雍正志略藝文載陳育陽唐縣考一篇其末段云永平府城西北四十里有遷安縣舊有曖暘郡荒廢已久至遼創爲安喜縣遷定州安喜縣民居於此亦名安喜金大定七年改爲遷安縣今遷安之民皆遼時唐縣之老籍而唐縣之民又多明時洪洞之老籍時移人殊不可不知也按遼

唐縣志卷十一

辨訛

二十一

史以定州安喜俘戶置縣非遷安喜之民且明明安喜之民安得謂是唐縣之民乎至於唐縣之民皆洪洞之老籍此是俗語相傳未見正史安得援以爲據今刪去

又云再考縣治之城乃周時所築中人城之舊基也而北高昌村亦卽東漢之高昌縣也按今縣城非周時所築且周時二字宜改用唐武后字武后時所築之城卽今縣西南城子里又按續漢書郡國志無高昌縣而班志之高昌屬千乘郡在今山東博興縣地惟水經注所言高昌縣實唐縣之高昌村然未明言何時置亦不得竟斷爲東漢時也今刪去文末一段

康熙志山川載放水河東注完縣常豐河按常豐村名曲
逆河所經也非河名今更正
中人城非中山城諸志合爲一地康熙志失載今詳爲考
正補入餘悉各條下茲不贅

唐縣志卷十二

辨訛

二十一

重修唐縣志後序

保陽屬邑凡十餘唐為古縣由漢
晉唐宗以迄元明未之或易邑西
北多奇峰峻嶺突兀嶽峙崑崙
崑崙於興雲中上谷相毗連
山溪置軍城重鎮北通衝馬
南達橫河為晉省出入門戶僻

唐縣志後序

壤歟抑衝區北山左海公未以茲
邑以儒術為吏治與民休養生
息前此已十有年蓋以勝岸是
往來矣編習尚民隱洞澈無
遺其操之也氣收其施之也
無不洽取暇嘗歎吟以紀其
事同公每出於田原勞農勸

民昭途之父老子弟相迎在綠
樹濃陰中出為之謀守忠談
忠信莫不惟茲悅服以宏大計
辱薦委贖豈何然哉公公有
修志之舉時時恭居西席所
夕高約義倚綱羅致公為之
編次稿甫完遂省

唐縣志後序

二

若軍李晉相之訪寒集歲
輔通志未及細焉於儲詳
加攻口或意或後知所不免
出廣搜括引蘇特訂誌善
之從出實事求是誠如宗
景父所謂事雖在前而文減
於昔者况藉公之實心實政

以持之將來之輻軒之累
不待卜而吉也
光緒三年五
月乘城張惲志序



唐縣志後序

